



ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՀԱՆԳՆԵՐՈՒ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱՌԱՋՆՈՐԴ ՍՐԲԱՉԱՆԸ ԸՆԴՈՒՆԵՑ Հ.Ս.Ը.Ս.Ի ՆՈՐԸՆՏԻՐ ՇՐՋԱՆԱՅԻՆ ՎԱՐՉՈՒԹԵԱՆ ԱՆԴԱՄՆԵՐՈՒՆ ԱՅՑԵԼՈՒԹԻՒՆԸ

Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան Երեքշաբթի, 7 Դեկտեմբերի երեկոյեան ընդունեց այցելութիւնը Հ.Ս.Ը.Ս.Ի նորընտիր Շրջանային Վարչութեան, գլխաւորութեամբ ատենապետին՝ Տիար Գառնիկ Աբրահամեանի: Հանդիպումին ներկայ եղան Ազգային Վարչութեան ատենապետը՝ Տիկին Ռիմա Պօղոսեան եւ անդամներ՝ Տեարք Ճորճ Զօրպաճեան, Թորոս Բէչեճեան, Խաչիկ Երեցեան եւ Կարէն Բենիասեան:

Կազմերու փոխադարձ ծանօթացումէն ետք, Առաջնորդ Սրբազանն ու Ազգ. Վարչութեան ատենապետուհին արտասանեցին ողջոյնի խօսքեր: Անոնք շնորհաւորեցին ընտրեալ ծառայողները եւ վեր առին Հ.Ս.Ը.Ս.Ի սերնդակերտ ու պատանիներն ու երիտասարդները առողջ մթնոլորտի մէջ համախմբելու այս միութեան յատկանիշները:

Հ.Ս.Ը.Ս.Ի ներկայացուցիչները հակիրճ տեղեկութիւններ տուին Հ.Ս.Ը.Ս.Ի շրջանային ժողովին ու անոր յաջորդած կազմակերպական աշխատանքներուն, ապա նաեւ յառաջիկայ ծրագիրներուն մասին: Անոնք նշեցին, թէ վարչութիւնը կը քննարկէ տարբեր մարզերուն մէջ յաւելեալ բարելաւում ձեռք բերելու եւ երիտասարդութիւնը աւելի եւս ներգրաւելու միջոցները: Յատուկ կարեւորութեամբ վեր առնուեցաւ Ազգ. Առաջնորդարանին հետ Հ.Ս.Ը.Ս.Ի դաստիարակչական ծրագիրները՝ սկսուտական »Ս. Մեսրոպ Մաշտոց« շքանշանին գծով աշխատանքները աւելի եւս ընդարձակելու կարելիութիւնները:

Առաջնորդ Սրբազանը բարձր գնահատեց Հ.Ս.Ը.Ս.Ի ու անոր անձնուէր ծառայողներուն գործունէութիւնը եւ յաջողութիւն մաղթեց նոր կազմին, իր յանձն առած պատասխանատուութիւններուն կենսագործման մէջ: Ան նաեւ յուշանուէրներ յանձնեց հիւր վարչականներուն:

HOMENETMEN NEW REGIONAL EXECUTIVE VISITS THE PRELACY

On Tuesday, December 7th, 2010, H.E. Archbishop Moushegh Mardirossian, Prelate, welcomed to the Prelacy members of the Homenetmen

new Regional Executive, headed by Chairman Mr. Garnik Abrahamian. Executive Council Chair Mrs. Rima Boghossian and members Mr. George Chorbajian, Mr. Toros Kejejian, Mr. Khatchig Yeretizian, and Mr. Kahren Beniasians participated in the meeting.

Following the introductions, the Prelate and Mrs. Boghossian welcomed the guests, congratulating them on their election and commending the mission of Homenetmen.

The Homenetmen representatives conveyed information about their upcoming endeavors and projects they are planning, noting that special attention is being given to the Navasartian Games, to having the youth more involved in community life, and to expanding the St. Mesrob Mashdots program which is a collaborative effort between the Prelacy and Homenetmen.

The Prelate again commended the dedication of the members to fulfilling the mission of Homenetmen, and wished them success in their future endeavors. The meeting concluded with the presentation of mementos by the Prelate.